



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

29 ՍԵՊՏԵՄԲԵՐԻ, 2016 թ.
№ 11 (996)

Թերթի առաջին համարը լույս է տեսել 1965 թ. մարտի 11-ին
երկշաբաթաբեր • հրատարակման 51 -րդ տարի

ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

ՇՆՈՐՀԱՎՈՐ ՏՈՆԻ, ՀԱՅԱՍՏԱՆ



Հայաստանի Հանրապետության Անկախության տոնը նախևառաջ պատմություն է հայ ժողովրդի զավակների հերոսական պայքարի, հայ մարդու ստեղծագործ մտքի, արարման թռիչքի, անկոտրում կամքի ու անսասան հավատի մասին: Դա պատմություն է քրիստոնեական, հոգևոր-մշակութային դարավոր արժեքները սերնդեսերունդ փոխանցելու ավանդույթների, արժանապատիվ ու քաղաքակիրթ ապրելու իրավունքը սեփական արյամբ ու կամքով վաստակելու մասին:

Անկախության տոնը ողջ հայ ժողովրդի հույսերից ծնված Հայաստանն է և նրա զարգացմանն ու առաջընթացին ուղղված մեր բոլոր ջանքերը:

Անկախությունը մենք ենք՝ բարեկեցիկ ներկային ու երջանիկ ապագային միտված մեր ճիգ ու ձգտումներով հանդերձ:

Շնորհավոր տոնը, Անկախ Հայաստան: Թող որ եռագույնը միշտ ծածանվի անամպ երկնքում, թող որ բոլոր գարունները բացվեն լուսավոր ու պայծառ արշալույսների խաղաղ ծփանքի ներքո, թող զավակներիդ դեմքին հար ծաղկի բարությունը ու հույսի ժպիտը:



ԳԻՏԵԼԻՔՆԵՐ ԶԵՌՔ ԲԵՐԵԼՈՒԺԱՄԱՆԱԿԸ



Մանկավարժական համալսարանի շուրջ 1200 առաջին կուրսեցիներ սեպտեմբերի 16-ին մեծ մանկավարժ հաջատուր Աբովյանի տուն-թանգարանում երգվեցին հավատարիմ լինել ուսուցչի կոչմանը:

Միջոցառմանը ներկա էր ՀՀ ԱԺ և ՀՊՄՀ խորհրդի նախագահ Գալուստ Սահակյանը:

«Ձեր խնդիրն այսօր լավ սովորելն է, իսկ մեր պետության համար կարևորագույն խնդիրներից մեկը լավ աշխատող ունենալն է, -ասաց Գալուստ Սահակյանը: -Դուք այսօր խոստանում եք այդ ամենի մասին և պետք է կարողանաք այդ խոստումը պահել մինչև վերջ»: Խոստում տալը հեշտ է, կատարելը դժվար: Դուք այդ ճանապարհն անցնելու եք Մանկավարժական համալսարանում, որն ամեն տարի էլ ավելի է կատարելագործվում՝ հարթելով ձեզ սպասվող դժվարին ուղին»:

Շնորհավորելով ուսանողներին՝ համալսարանի ղեկավար Ռուբեն Միրզախանյանը նկատեց, որ այսօր նրանք դառնում են արվեստագիտության ավանդական մեծ ընտանիքի անդամներ: Կարևորելով մանկավարժի մասնագիտությունը՝ ղեկավարը ընդգծեց, որ ուսանողական տարիները լի են իմաստությամբ, քանզի հենց այդ ժամանակահատվածում է ձեռք բերվում գիտելիքների հսկայական պաշար: Ոեկտորը հորդորեց ուսանողներին լավ սովորել և հետագայում՝ դպրոցում աշխատելիս, հավատարիմ մնալ ազգային դպրոցի լավագույն ավանդույթներին»:

> 2

Աշխատանքային այց Բելառուսի պետական մանկավարժական համալսարան

Մանկավարժական համալսարանի ղեկավար Ռուբեն Միրզախանյանն աշխատանքային այցով եղավ Բելառուսի Մաքսիմ Տանկի անվան պետական մանկավարժական համալսարանում:

Պատվիրակության կազմում էին նաև Հատուկ կրթության ֆակուլտետի ղեկավար Արմինե Ավագյանը և Տեղեկատվական տեխնոլոգիաների կենտրոնի ղեկավար Դավիթ Սարգսյանը:

Այցի ընթացքում Ռուբեն Միրզախանյանին ընդունել է Բելառուսի Մաքսիմ Տանկի անվան պետական մանկավարժական համալսարանի ղեկավար Ալեքսանդր Ժուկը: Հանդիպման ընթացքում ՀՊՄՀ-ի ղեկավարը անդրադարձել է Հայաստանում կրթական համակարգի որոշ ասպեկտներին, ինչպես նաև ընդգծել իր անկեղծ հիացմունքը բելառուս ժողովրդի հանդեպ:

«Տարբեր ոլորտներում երկու բուհերի միջև համագործակցությունը պետք է դրվի նոր մակարդակի վրա: Մեր ցանկությունն է, որ հայ և բելառուս ուսանողների ու շրջանավարտների մոտ մեր ընդհանուր գործի հանդեպ լինի սեփականության և հպարտության զգացում», - հանդիպման ընթացքում նշել է Ռուբեն Միրզախանյանը:

Այցի ընթացքում ՀՊՄՀ-ի պատվիրակները շրջել են համալսարանում, ծանոթացել բուհի մասնաշենքերին, այցելել հազվագյուտ գրքերի դահլիճ, բուհի թանգարան, սպորտային դահլիճ:

Հյուրընկալող բուհում Ռուբեն Միրզախանյանը հանդես է եկել «Հայաստանի կրթական համակարգը. անցյալը, ներկան և ապագան» թեմայով դասախոսությամբ: Ներկաները հետաքրքրվել են հայկական կրթական համակարգի պատմությամբ, հիացել մեր երկրի ազգային մշակույթով, որն առաջիններից է միացել Բոլոնյան կրթական գործընթացին, բայց պահպանել է իր ավանդույթներն ու կրթական համակարգի յուրահատկությունները:

Բելառուս գործընկերներին առանձնակի հետաքրքրվել է նաև Մանկավարժական համալսարանում հիմնական մասնագիտությունից բացի շախմատ դասավանդելու արտոնագիր ստանալու փաստը: Հանդիպման ընթացքում վեր են հանվել նաև ժամանակակից մանկավարժական կրթության այնպիսի կարևոր հարցեր, ինչպիսիք են ուսանողների պրակտիկայի կազմակերպումը, մանկավարժի մասնագիտության վարկի բարձրացումը և կրթական > 3

Մանկավարժական համալսարանի պատվիրակությունը՝ Մոսկվայում

Մանկավարժական համալսարանի պատվիրակությունը բուհի ղեկավար Ռուբեն Միրզախանյանի ղեկավարությամբ սեպտեմբերի 22-27-ը աշխատանքային այցով եղավ Մոսկվայի մանկավարժական պետական համալսարանում: Պատվիրակության կազմում էին Դիզայնի և դեկորատիվ կիրառական արվեստի ամբիոնի վարիչ, պրոֆեսոր Անուշ Եղիազարյանը, Ռուսաց լեզվի ամբիոնի վարիչ պրոֆեսոր Իննա Սարկիսյանը, Տեղեկատվական տեխնոլոգիաների կենտրոնի ղեկավար Դավիթ Սարգսյանը:

Հանդիպման առաջին օրը ռուս գործընկերները ներկայացրին համալսարանի գործունեության հիմնական ուղղությունները, մանկավարժության և տարբեր առարկաների դասավանդման մեթոդիկաների նորարարությունները, աշխատանքի ռազմավարական ուղղությունները և ուսուցման նոր տեխնոլոգիաները:

Այցի ընթացքում Ռուբեն Միրզախանյանը հանդես եկավ «Հայաստանի կրթական համակարգը. անցյալը, ներկան և ապագան» թեմայով դասախոսությամբ: Ռուբեն Միրզախանյանը և ՄՄՀ-ի ղեկավար Ալեքսանդր Սեմյոնովը քննարկեցին երկու համալսարանների համագործակցության վերաբերյալ արդի հիմնախնդիրներ, նախանշվեցին նոր նախագծեր և պլաններ:

ՀՊՄՀ-ի պատվիրակությունը հանդիպեցին բուհի համապատասխան ինստիտուտների ղեկավար և դասախոսական կազմի հետ: Պրոֆեսոր Անուշ Եղիազարյանը ռուս գործընկերներին ներկայացրեց Գեղարվեստական կրթության և Դիզայնի և դեկորատիվ-կիրառական արվեստի ամբիոնի աշխատանքները և ուղղությունները, ինչպես նաև կիրառական արվեստի զարգացման հեռանկարները:

Նա ներկայացրեց հայկական դեկորատիվ-կիրառական արվեստի առանձնահատկությունները, նոր ուղղությունները: Ռուս գործընկերները նեկայացրին իրենց փորձը՝ ցուցադրական նյութերով և համակարգչային տեխնոլոգիաներով: Այնուհետև, Անուշ Եղիազարյանը հանդես եկավ հայկական գրեթե նմանի մասին գեկուցումով:

ՀՊՄՀ-ի պրոֆեսոր Անուշ Եղիազարյանը Մոսկվայի մանկավարժական պետական համալսարանի Արվեստի ինստիտուտի կողմից արժանացավ պատվավոր պրոֆեսորի կոչման:

Հանդիպման ընթացքում նախանշվեցին ՄՄՀ-ի Արվեստի ինստիտուտի և ՀՊՄՀ-ի Գեղարվեստ > 3



ԳԻՏԵԼԻՔՆԵՐ ԶԵՌՔ ԲԵՐԵԼՈՒ ԺԱՄԱՐԱԿԸ



➤ 1 Առաջին կուրսեցիներին ողջունեց նաև Աժ պատգամավոր, ՀՀԿԿ խորհրդի անդամ և շրջնավարտ Ռուզաննա Մուրադյանը: Պատգամավորը վստահեցրեց, որ ներկաները ընտրել են շնորհակալ և պատվաբեր մասնագիտություն: «Մաղթում եմ, որ ձեր ուսումնառության տարիներին հավատարիմ մնաք Մաշտոցի ուխտի զինվորը լինելու գաղափարին, այս պահից ձեր ուսերին է դրվելու մեր երկրի քաղաքացիների կրթման և դաստիարակությանը գործը: Նորանկախ Հայաստանի սիրելի՛ մանկավարժներ, ձեզ է վստահված Հայաստանը՝ հզորացելու, ուժեղացնելու և նրա սահմաններից դուրս հայ քաղաքացու կերպարը բարձր պահելու պատիվը, թող ձեր ուսումնառող բարի լինի», - ասաց Ռուզաննա Մուրադյանը:



մալսարանի ամուր և հուսալի, բայցև զգայուն ու նուրբ, հոգատար ձեռքերում: «Դուք այսօր ոտք եք դնում մի ուրիշ աշխարհ՝ շատ հետաքրքիր և սիրելի, այստեղ ձեռք կբերեք ոչ միայն գիտելիքներ, այլև լավ ընկերներ, նաև կկարողանաք օգտակար լինել ձեր հայրենիքին: Եղեք հաստատական, ամուր և զնահատեք գիտելիքի արժեքը, քանզի այն ձեզ պետք է գալու ողջ կյանքի ընթացքում: Դուք պետք է հետևողական լինեք ձեր կրթությանն ու ինքնակրթությանը», - ասաց ՀՀ վաստակավոր արտիստ, Կուլտուրայի ֆակուլտետի երաժշտության ամբիոնի վարիչ, ՀՀԿԿ շրջանավարտ Արա Գևորգյանը:

Ուսանողներին ողջունեց և ուսումնառության ողջ ընթացքում հաջողություն մաղթեց նաև բուհի ուսանողական խորհրդի նախագահ Ներսիկ Մարգարյանը:

Կուլտուրայի ֆակուլտետի հեռուստալրագրության բաժնի առաջին կուրսի ուսանող Առաքել Տոնոյանը հպարտ է, որ դարձել է Մանկավարժական համալսարանի ուսանող. «Օրը խորհրդանշական և հուզիչ է ինձ համար, հենց այսօր ես զգացի, որ ՀՀԿԿ ուսանող եմ: Շատ մեծ ակնկալիքներ ունեմ համալսարանից, կարծում եմ, որ բուհը կարող է տալ այն

գիտելիքները, որոնք կօգնեն ինձ դառնալ ոլորտի առաջատար մասնագետ»:

«Ամեն ինչ կանեն, որ բարձր պահեն իմ ընտրած մասնագիտության պատիվը: Համալսարանական առաջին օրերի ընթացքում հանդավեցինք՝ համալսարանն արել է ամեն ինչ, որ մենք մեզ զգանք ապահով և հարմարավետ», - ասաց Կրթության հոգեբանության և սոցիոլոգիայի ֆակուլտետի ուսանողուհի Աննա Ամիրյանը:

Ուսանողները միաձայն նկատում են՝ Մանկավարժական համալսարանում ստեղծված են լավ մասնագետ դառնալու բոլոր պայմանները, իսկ կրթական նոր ինտերակտիվ համակարգը թույլ է տալիս առավել արդյունավետ օգտագործել ժամանակը:

«Երդվում եմ, Ուսուցչապետ, քո անունը կրող դպրոցային շենից ներս մտնելուց առաջ ունկնդիր լինել դարերի կանչին, պահպանել դառնալ հայոց գիտությանը»: այս տողերով էլ ապագա մանկավարժները երդվեցին և հավատարմագրվեցին ուսուցիչների հզոր բանակին:

Երդմանության միջոցառումը շարունակվեց գեղեցիկ համերգային ծրագրով:

Սոնա ԱՐԱՅԱՆ

ՕՐՎԱ ԽՈՐԷՐԴՈՎ

Բանասիրական ֆակուլտետի առաջին կուրսեցիները օրն սկսեցին հանդիսավոր արարողությամբ:

Դեկան Աշոտ Գալստյանի կարծիքով այս տարի ֆակուլտետ ընդունվածների թիվը աստվածային է և խորհրդանշական: 77 առաջին կուրսեցիներին շնորհավորանքի խոսք հղեցին ֆակուլտետի դեկանը, ամբիոնների վարիչները, ուսանողական խորհրդի նախագահը, ավագ կուրսընկերները:

«Ուսուցիչը բարության, ազնվության և շռայլության անուն է, դուք պիտի տեր կանգնեք ուսուցչի այդ կոչմանը: Դարեր շարունակ գիտության լույսը սիրո և ակնածանքի խորհրդանիշ է եղել, սիրո և ակնածանքի խորհրդանիշ է եղել նաև ուսուցիչը: Նրան վստահել են ու հավատացել: Դուք եք լինելու այն կամուրջը, որ այս օրը կպայելու է գալիքին», - ասաց դեկանը՝ մաղթելով հաճելի օր և ուսումնառության լավագույն տարիներ:

«Դուք սովորելու եք շատ նորացված բուհում: Ձեզ դասավանդելու են հրաշալի դասախոսներ: Մնում է եռանդ ունենալ՝ այդ ամենը յուրացնելու»: Պրոֆեսորը առաջին կուրսեցիներին հիշեցրեց ֆրանսիացի



սիացի հայագետի խոսքերը, ով զարմացել է, թե դարերով պետականություն չունեցող Հայաստանը ինչպես է պահել իր ազգային նկարագիրը. նա գոյատևել է ուսուցչի հանդեպ գոյություն ունեցող հորգանքի շնորհիվ: Դուք ապագայի կերտողներն եք», - ասաց ՀՀ ԳԱԱ թղթակից անդամ, հայ հին և միջնադարյան գրականության և նրա դասավանդման ամբիոնի վարիչ, պրոֆեսոր Աելիտա Դուլվախյանը:

Ուսանողներին շնորհավորեց և մաղ-

ջին քայլը»:

Ուսանողներին նորանուտը Բանասիրական ֆակուլտետ շնորհավորեց նաև 4-րդ կուրսի ուսանողուհի Շուշան Դուկասյանը և մաղթեց լավ սովորել ու դառնալ օրինակելի ուսուցչուհիներ:

Մինչ Քանաքեռի տուն-թանգարանում երդման արարողությանը մասնակցելը բանասիրական ֆակուլտետի 4-րդ կուրսի ուսանողները ֆակուլտետի խորհրդանիշներով նարնջագույն վզպատներ են մկիրում առաջին կուրսեցիներին: Նարնջագույնը հայոց եռագույնի մի շղոն է, որի վրա պատկերված է Բանասիրական ֆակուլտետի խորհրդանիշը:

Առաջին կուրսեցիների համար գրաբարի առաջին դասաժամին երդման խորհուրդն է բացում Հռիփսիմե վանքի վանահայր Հայր Համբարձումը: Նա հորդորում է լավ սովորել և երբեք չընկճվել դժվարությունների առաջ:

Օրն առջևում է, և օրվա խորհուրդը առաջին կուրսեցիների երդման արարողությունն է մի սրբազան վայրում, ուր մեծ մանկավարժ Խաչատուր Աբովյանի պատգամներն ու շունչն են թևածում տուն-թանգարանի համեստ ու խորախորհուրդ կամարների ներքո:

Սիլվա ԱՐՅԱՆ



Աշխատանքային այց...



➤ 1 գործընթացի օպտիմալացումը: Դասախոսության ավարտին մեծ հանդիսավորությամբ Ռուբեն Միրզախանյանին շնորհվել է Բելառուսի Մաքսիմ Տանկի անվան պետական մանկավարժական համալսարանի պատվավոր պրոֆեսորի դիպլոմ:

2014 թվականի «Ամառային դպրոց»-ի մասնակից ուսանողները շնորհակալություն հայտնեցին Ռուբեն Միրզախանյանին Հայաստանում ջերմ ընդունելության համար:

Դասախոսությունից հետո հայ պատվիրակների համար կազմակերպվել է հիշարժան էքսկուրսիոն ծրագիր. նրանք այցելել են Բելառուսի արվեստի ազգային թանգարան, Ազգային գրադարան և քաղաքի տեսարժան վայրեր:

Մանկավարժական...

➤ 1 տական կրթության ֆակուլտետի Դիզայնի և դեկորատիվ-կիրառական արվեստի ամբիոնի համագործակցության հիմնական ուղղությունները:

ՀՊՄՀ-ի Ռուսաց լեզվի ամբիոնի վարիչ Իննա Սարկիսյանը հանդիպեց համալսարանի Բանասիրական ինստիտուտի պրոֆեսորադասախոսական կազմին, ծանոթացրեց ՀՀ-ում, ապա նաև ՀՊՄՀ-ում ռուսաց լեզվի դրվածքին, մասնավորապես նախանշեց խնդիրների շրջանակը, ինչպես նաև ներկայացրեց ՀՊՄՀ-ի ռուսաց լեզվի ամբիոնի հիմնական խնդիրները, ծանոթացավ Ինստիտուտի ծրագրերին, ուսումնական և մեթոդական ձեռնարկներին:

Հանդիպման ընթացքում քննարկվեցին ՀՊՄՀ-ի Օտար լեզուների ֆակուլտետի Ռուսաց լեզվի ամբիոնում ռուս մասնագետների հնարավոր աշխատանքի, հայ գործընկերների վերապատրաստումների մասին հարցերը:

Մոսկվայի մանկավարժական պետական համալսարանի Ռուսաց լեզվի ամբիոնի աշխատակիցները նախանշեցին դասախոսության և վարպետության դասերի հիմնական թեմաները, որոնք կներկայացվեն առաջիկայում Հայաստան կատարած փոխադարձ այցի շրջանակներում:



Հանդիպման մասնակիցները նախանշեցին ՄՄՀ-ի Բանասիրական ինստիտուտի և ՀՊՄՀ-ի Օտար լեզուների ֆակուլտետի համագործակցության վերաբերյալ այլ հարցեր և:

Այցի շրջանակներում Մանկավարժական համալսարանի պատվիրակությունը ներկա գտնվեց Մոսկվայի մանկավարժական պետական համալսարանի ռեկտոր, պրոֆեսոր Ալեքսեյ Սեմյոնովի դասախոսությամբ:

Աշխատանքային հանդիպում ունեցավ նաև Տեղեկատվական կենտրոնի ղեկավար Դավիթ Սարգսյանը, ով ռուս գործընկերների հետ միասին ծանոթացավ կաբելային և անլար կապի միջոցներին, դրանց հասանելիությանն ու կառավարմանը: Հանդիպման ընթացքում փորձի փոխանակման միջոցով նախանշվեցին ծրագրավորման ոլորտում համագործակցության, ներքին համակարգչային ցանցի կառուցման, քննարկման, կապի ծառայության ներդրման, ընթացիկ ծառայությունների ու սերվերային համակարգի անվտանգության հարցեր:

Լեռն հայագետ, Լեհաստանի Պոզնան քաղաքի Անվտանգության հարցերի բարձրագույն դպրոցի ռեկտորի՝ միջազգային կապերի գծով ներկայացուցիչ Ջեֆրեյ Շնուրկոնը Պատմության և իրավագիտության ֆակուլտետում հանդես եկավ «Հայաստանը և հայերը լեհերի ընկալումներում» թեմայով դասախոսությամբ:

Ֆակուլտետի ղեկան եղար Հովհաննիսյանը վստահ է, որ ման դասախոսությունների միջոցով ուսանողները հնարավոր



«Հայաստանը և հայերը լեհերի ընկալումներում»

ություն կունենան իրենց դասախոսներից բացի լսել նաև այլ մասնագետների կարծիքները մեր երկրի մասին: Նման ձեռնարկների նպատակն է ոչ միայն ֆակուլտետի շուրջ համախմբել օտարազգի մասնագետների, այլև ստեղծել նոր կապեր և իրականացնել համատեղ նախաձեռնություններ:

Ուսանողների հետ հանդիպման ընթացքում հայագետն անդրադարձավ Լեհաստանի հայկական համայնքին, նրա գործունեությանը, խոսեց նաև Լեհաստանում հայկական հետքերի մասին: Լեռն հայագետը առաջնահատուկ կերպով ընդգծեց հայերի դերը լեհական համայնքում, մշտելով, որ թագավորական մի շարք ընտանիքներ իրենց երեխաների համար վար-

ծում էին հատուկ հայ ուսուցիչներ:

Բանախոսը հակիրճ ներկայացրեց նաև հայոց ցեղասպանությանը, արցախյան գոյամարտին և հայկական մշակույթին վերաբերող թեմաների մասին ընկալումները լեհական պատկերացումներում: Նա մշեց, որ ներկայումս հայկական սփյուռքը Լեհաստանում բաժանվում է երկու կարևոր հատվածի, Սփյուռք, որ պատմական է և որոշակի առումով լեհականացված, և համայնք, որ դեռ նոր է ձևավորվել՝ սկսած 1991թ. անկախության տարիներից: Հայագետի խոսքով հայերն ակտիվ ներգրավվածություն ունեն լեհական մշակութային կյանքում դեռ վաղնջական ժամանակներից և այսօր էլ այդ կյանքի ան-

բաժան մասն են կազմում:

Եզրափակիչ խոսքում գիտնականը կոչով դիմեց հայ երիտասարդներին՝ ցանկացած ազգի ներկայացուցիչ պետք է սիրի իր պատմական հայրենիքն ու պատմությունը, այն միշտ պահի իր սրտում:

Դասախոսության ավարտին ելույթ ունեցավ Պատմության և իրավագիտության ֆակուլտետի Հայոց պատմության ամբիոնի վարիչ Աշոտ Փիլիպոսյանը: Կարևորելով նմանատիպ դասախոսությունների կազմակերպումը բուհում՝ ամբիոնի վարիչն ընդգծեց, որ դրանք նպաստում են միջազգային շփման ընդլայնմանը, նոր գիտելիքների ձեռքբերմանն ու նոր համագործակցության զարգացմանը:



Միջազգային գիտաժողով Ստեփանակերտում

Սեպտեմբերի 15-18-ը Լեռնային Ղարաբաղի Հանրապետության սրտում՝ Ստեփանակերտում, կայացել է «ԼՂՀ (Արցախի) 25-ամյա պետականության ձեռքբերումներն ու արդի մարտահրավերները» խորագրով միջազգային երիտասարդական գիտաժողովը: Այն նվիրված էր Արցախի անկախության 25-րդ տարեդարձին և կազմակերպվել էր Արցախի երիտասարդ գիտնականների և մասնագետների միավորման կողմից:

Գիտաժողովին ներկա էին գիտնականներ Արցախից, Հայաստանից, Ռուսաստանից, Գերմանիայից, Լեհաստանից և այլ երկրներից:

Մեր համալսարանից գիտաժողովին մասնակցել են Պատմության և իրավագիտության ֆակուլտետի մագիստրոսներ Անի Խաչատրյա-

նը, Մարինե Բեժանյանը, Մարիամ Ծատրյանը և բակալավրիատի 4-րդ կուրսի ուսանողուհի Վերոնիկա Թորոսյանը:

Գիտաժողովի բացման արարողությանը ներկա է եղել նաև ԼՂՀ Նախագահ Բակո Սահակյանը: Բակո Սահակյանի խոսքով՝ նախաձեռնությունը նաև լավ հնարավորություն է Արցախյան հիմնախնդիրն ավելի խոր ուսումնասիրելու համար:

Լիագումար միստից հետո գիտաժողովի աշխատանքները շարունակվել են իրավագիտության, քաղաքագիտության, պատմության, տնտեսագիտության և հոգեբանության բաժանմունքներում:

Գիտաժողովի մասնակիցները մասնակցել են Շուշիում կազմակերպված Արցախի միջազգային փառատոնին, այցելել

Գանձասարի Սբ. Հովհաննես Սկրտիչ եկեղեցի:

Գիտաժողովի արդյունքների ամփոփումից և գիտաժողովի մասնակիցներին հավաստագրերի հանձնումից հետո գիտաժողովի մասնակիցներն ու հյուրերը մասնակցել են Արցախյան գինու երրորդ փառատոնին (Հաղորթի շրջանի Տոդի մեղիքական ապարանք):

Սեպտեմբերի 18-ին գիտաժողովի մասնակիցները այցելել են Շուշիի Սբ. Ղազանչեցոց Ամենափրկիչ եկեղեցի ու թանգարաններ:

«Շատ ուրախ եմ, որ հնարավորություն ունեցա մասնակիցը լինել մի գիտաժողովի, որն Արցախի անկախ պատմության մեջ իր ծավալներով և գիտնականների ներգրավվածությամբ անգերազանցելի էր», - ասաց գիտաժողովի մասնակից Անի Խաչատրյանը:



Բազատունյաց Հայաստանի անկումից 873 տարի և Կիլիկյան Հայաստանի անկումից 543 տարի անց, ինչպես նաև Հայոց ցեղասպանությունից 2-3 տարի անց՝ 1918 թ. մայիսին, հայ ժողովուրդը վերածնվեց կրկին Մայիսյան հերոսամարտերում փառքով հաղթելով մեր դարավոր թշնամուն և Հայաստանի սուրբ հողի մեջ խորը մխրճելով Հայոց հավերժական պետականության անկտորելի սյունը: 1918 թ. մայիսի 30-ին Թիֆլիսի Հայոց ազգային խորհուրդը Նիկոլ Աղբալյանի ձեռնամբ իրեն հռչակեց «հայկական գավառների միակ և գերագույն իշխանություն», իսկ արդեն մեկ տարի անց՝ 1919 թ. Մայիս 28-ին տոնվեց Հայաստանի Հանրապետության առաջին տարեդարձը:

1918 թ. հունիսի 7-ին Թիֆլիսի Հայոց ազգային խորհուրդն իր հերթական նիստում ՀՀ առաջին վարչապետ ընտրեց ՀՀ-ական կարկառուն գործիչ Հովհաննես Մաթևոսի Քաջագունուն, ում էլ վերապահվեց ձևավորել կոալիցիոն կառավարություն, որը չստացվեց մի շարք պատճառներով, և նա ստիպված եղավ կազմել միակուսակցական կառավարություն, որտեղ միայն


յունները կայացան և հաղթեց Դաշնակցությունը՝ 80 պատգամավորական տեղ ունեցող ՀՀ երկրորդ գումարման խորհրդարանում ստանալով բացարձակ մեծամասնություն: Ընդդիմադիր կուսակցություններից խորհրդարան անցավ միայն ՍՀԿ-ն՝ ստանալով 4 պատգամավորական մանդատ: Պատգամավոր դարձան նաև Հայաստանի ամենամեծ ազգային փոքրամասնության թուրք-թաթարների (ադրբեջանցիներ) 2 ներկայացուցիչներ և 1 անկուսակցական՝ Արագածոտնի անկուսակցական գյուղացիական միության համամասնական ցուցակից:

ՀՀ երկրորդ գումարման խորհրդարանի անդամիկ նիստը բացվեց 1919 թ. օգոստոսի 1-ին և հեռակա կարգով խորհրդարանի երկրորդ նախագահ ընտրվեց Փարիզի հաշտության խորհրդաժողովում ՀՀ պատվիրակության ղեկավար Ավետիս Ահարոնյանը: Հայոց խորհրդարանի օգոստոսի 7-ի նիստում ՀՀ երկրորդ վարչապետ ընտրվեց փոխվարչապետ Ալեքսանդր Խատիսյանը, իսկ օգոստոսի 10-ին հաստատվեց Հանրապետության երրորդ կառավարության կազմը:

1919 թ. ամռանն արդեն ակնհայտ էր, որ Հայաստանը սկսել է կայուն զարգացում ապրել, քանզի վերականգնվում էր երկրի տնտեսությունը: Միջազգային ասպարեզում ևս սկսվել էին հանրապետության հաջողությունները: 1920 թ. հունվարի 19-ին Հայաստանը ստորագրված հաշտության պայմանագրով, որում ՀՀ-ն նշված էր որպես Անտանտի անդամ ու հաղթող պետություն, և Ավետիս Ահարոնյանի կողմից այդ դաշնագրի ստորագրումով ու կնքումով Հայաստանն արդեն իրավական ճանաչում ստացավ իբրև միջազգային իրավունքի լիիրավ սուբյեկտ: Ի դեպ, կարևոր է նաև շեշտել, որ Կովկասից միայն Հայաստանն էր հրավիրված մասնակցելու Սևրի պայմանագրի ստորագրմանը: Հատկանշական է նաև այն, որ աշխարհի շատ երկրներում բացվեցին ՀՀ դեսպանություններն ու հյուսիսատոնությունները (Ֆինլանդիայից մինչև Եթովպիա և Ճապոնիայից մինչև Չինի), որոնց թիվը 1920 թ.-ին զգալիորեն ավելացավ՝ հատելով 40-ի սահմանը: Տարբեր երկրներ դիվանագիտական ներկայացուցչություններ բացեցին Երևանում, օրինակ՝ ԱՄՆ-ը, Մեծ Բրիտանիան, Ֆրանսիան, Իտալիան, Հունաստանը, Վրաստանը, Ադրբեջանը, Իրանը (Պարսկաստան) և այլն:

Այսպիսով, պետք է փաստել, որ Հայաստանը 1920 թ. օգոստոսից արդեն ամբողջապես կայացած պետություն էր և վարում էր ինքնուրույն ներքին ու արտաքին քաղաքականություն և եթե չլիներ քեմալաթուլշիկյան հակահայկական դաշինքը, ապա մեր երկիրը չէր ընկղմվի պատերազմի մեջ, չէր խորհրդայնացվի և հայ ժողովուրդը 70 տարի չէր հայտնվի անազատության մեջ: Եթե չլիներ 1918 թ. Մայիսյան հերոսամարտերը, չէր հիմնադրվի Հայաստանի Հանրապետությունը, և եթե չլիներ այն, չէինք լինի նաև մենք: Այսինքն՝ չէր լինի 1990 թ. օգոստոսի 23-ը, չէր լինի մեր փառապանծ 1991 թ. Սեպտեմբեր 21-ը, ոչ էլ սեպտեմբերի 23-ը և չէր տոնվի նաև ՀՀ անկախության վերականգնման 25-ամյակը, 20-րդ դարավերջում հայ ժողովրդի ամենամեծ հաղթանակը՝ Արցախյան հերոսամարտի հետ մեկտեղ: Լավ, թե վատ, իր առավելություններով ու առկա թերություններով պետք է անկեղծորեն փաստել, որ 25 տարի է, ինչ մենք կրկին անկախ պետություն ունենք և դա արդեն ամեն ինչ արժե: Եվ ուրեմն կեցցե՛ 98-ամյա մեր Հանրապետությունը ու հավերժ փառք հերոսական հայ ժողովրդին, ինչպես նաև այն օտարագրիներին, որոնք զոհվեցին հանուն ազատ, անկախ և միացյալ Հայաստանի: Հիշում ենք ու խոնարհվում...

Մայրը Ա. ԲԱԲԱՅԱՆ
Խաչատուր Աբովյանի անվան ՀՀԿ
Պատմության և իրավագիտության ֆակուլտետի
իրավագիտության բաժնի 4-րդ կուրսի ուսանող,
Երիտասարդ պատմագետների
միության նախագահ



ԾՆՆՌՅԱԼՆ ԵՎ ՄԿՐՏՈՒԹՅԱՆ ՄԻՋԵՎ

պաշտպանության և արդարադատության նախարարներն էին անկուսակցական: 1918 թ. օգոստոսի 1-ին Երևանի քաղաքային ակումբի դահլիճում բացվեց ՀՀ առաջին գումարման խորհրդարանի անդամիկ նիստը: Խորհրդարանի առաջին նախագահ ընտրվեց ՀՀ առաջին սերնդի ներկայացուցիչ Ավետիք Սահակյանը, փոխնախագահներ՝ ընդդիմադիր ՀԺԿ-ական (Հայ ժողովրդական կուսակցություն) Գրիգոր Տեր-Նաչատրյանն ու ՍՀԿ-ական (Սոցիալիստ-հեղափոխականների կուսակցություն) Դավիթ Ջուրայանը, իսկ քարտուղար՝ անկուսակցական Պետրոս Ջաքարյանը:

Հայոց խորհրդարանի շենքի մոտ տեղի ունեցավ գորահանդես, որն ընդունեց Հայաստանի առաջին ղեկավար Հովհաննես Քաջագունին: Արդեն օգոստոսի 3-ին առաջին վարչապետը խորհրդարանի դատին հանձնեց իր կառավարության համեստ ծրագիրը՝ Հայաստանում տիրող իրավիճակը բնորոշելով իբրև «անձև քառս և ավերակների կույտ»:

Այո, իսկապես ճիշտ բնորոշում էր և Հայաստանը գրոյից կառուցելու աներևակայելի ծանր պարտականություն էր դրվել Հովհաննես Քաջագունուն կառավարության ուսերին: Նրա կառավարությունում առանցքային դերակատարում ունեցր Հայաստանի Հանրապետության հիմնադիր հայր, ներքին գործերի առաջին նախարար Արամ Մանուկյանը, ում հետ միասին էլ առաջին վարչապետը սկսեց վերաշինել նորանկախ Հանրապետությունը: Հարկ է նշել նաև, որ ՀՀ առաջին նախարարներն էին Ալեքսանդր Խատիսյանը (արտաքին գործերի), Խաչատուր Կարճիկյանը (ֆինանսների), Հովհաննես Հախվերդյանը (պաշտպանության) և Գրիգոր Տեր-Պետրոսյանը (արդարադատության): Հովհաննես Քաջագունուն առաջին կառավարությունն աշխատեց մինչև 1918 թ. նոյեմբերի 4-ը, քանզի հոկտեմբերի վերջին կառավարող ՀՀԿ-ի և ընդդիմադիր ՀԺԿ-ի միջև կնքվել էր կոալիցիոն համաձայնագիր և պետք է ձևավորվեր նոր կառավարություն, ինչն էլ տեղի ունեցավ նոյեմբերի 4-ին և Հովհաննես Քաջագունուն կրկին համձնարարվեց կազմել ՀՀ երկրորդ կառավարությունը՝ կոալիցիոն սկզբունքով: Տեղի ունեցան նախարարությունների միջև գործառութային վերաբաժանումներ, որոնց արդյունքում ստեղծվեցին նոր նախարարություններ (հանրային խնամատարություն, հանրային կրթության և պարենավորման): ՀՀ քաղաքական պատմության մեջ առաջին կառավարող կոալիցիան գոյատևեց մինչև 1919 թ. հունիսի 4-ը, երբ ՀՀԿ-ն կամովին լքեց այն՝ հունիսի 21-23-ը Հանրապետությունում կայանալիք առաջին խորհրդարանական ընտրություններից մոտ երկու շաբաթ առաջ և հայտարարեց, որ չի մասնակցելու համապետական ընտրություններին: Այդուհանդերձ, խորհրդարանական ընտրութ-

ԱՎՍՏՐԻԱԿԱՆ ԾՐԱԳՐԻ ՇՐՋԱՆԱԿՆԵՐՈՒՄ



խաչատուր Աբովյանի անվան հայկական պետական մանկավարժական համալսարանի Կենսաբանության քիմիայի և աշխարհագրության ֆակուլտետի աշխարհագրության և նրա դասավանդման մեթոդիկայի ամբիոնի նախաձեռնությամբ և ջանքերով, ինչպես նաև ՀՊՄՀ միջազգային կապերի վարչության աջակցությամբ այս տարվա հուլիսի մեկից մեկնարկել է ավստրիական, «Կայուն զբոսաշրջության զարգացումը Կովկասում» (SNC-mt) ծրագրի մասնակց Հարավ-կովկասյան տարածաշրջանի (Հայաստան, Վրաստան), ինչպես նաև հարակից երկրների (ՌԴ, Իրան, Թուրքիա) գիտակրթական կենտրոնների միջև համագործակցության դաշտի ստեղծումն է: Ծրագրի իրականացումը ենթադրում է ՀՊՄՀ ուսանողների, դասախոսների, ինչպես նաև համապատասխան կառավարական մարմինների և զբոսաշրջային ոլորտի մասնագետների ներգրավում:

Վերոնշյալ ծրագրի հայաստանյան կողմի ղեկավար, ՀՊՄՀ աշխարհագրության և նրա դասավանդման մեթոդիկայի ամբիոնի վարիչ, աշխարհագրական գիտությունների դոկտոր, պրոֆեսոր Աշոտ Խոյեցյանը և ծրագրի ասիստենտ, նույն ամբիոնի դասախոս, աշխարհագրական գիտությունների թեկնածու Մարինե Մաթոսյանը ընթացիկ տարվա սեպտեմբերին աշխատանքային այցով Վրաստանում մասնակցեցին ծրագրի մեկնարկային համաժողովին, ինչպես նաև դասախոսություններով համոզեց եկան ծրագրի շրջանակներում կազմակերպված միջազգային ամառային դպրոցում:

Հանդիպման հիմնական նպատակը հետազոտական գործակցության ուղղությունները և անելիքները նախանշելն էր. կազմակերպել ՀՊՄՀ և գործընկեր համալսարանների դասախոսների վերապատրաստում, նորամուտություններ առարկայական ծրագրերում, առաջադրել ՀՊՄՀ ասպիրանտի թեկնածություն՝ Ավստրիայում ուսանելու նպատակով, համապատասխան կրթական կենտրոնների միջև փոխգործակցություն զբոսաշրջության բնագավառում, սերտ փոխհամագործակցություն ՀՀ համայնքների և ՀՊՄՀ դասախոսների և ուսանողների միջև՝ համայնքներում կայուն տուրիզմի զարգացումը խթանելու նպատակով:

Ծրագրի շրջանակներում զուգահեռ կազմակերպված ամառային դպրոցին ակտիվ մասնակցություն ցուցաբերեցին ՀՊՄՀ-ից մրցույթով ընտրված երկու ուսանող՝ Ռոզա Չոբանյանը, Տիգրան Եմգիբարյանը, ինչպես նաև ասպիրանտ Գորիկ Ավետիսյանը:

Ամառային դպրոցի հիմնական նպատակն ուսանող աշխարհագրագետների ուշադրության բևեռումն էր Կովկասի զարգացմանը խոչընդոտող խնդիրների վրա և այն գաղափարների մշակումը, որոնք կարող են Կովկասը դարձնել նույնքան զարգացած և արգասաբեր տարածաշրջան, որքան եվրոպական Ալպերն է: Տեսապատկերներով հագեցած դասախոսներն ու բարձրակարգ մասնագետների կողմից տրամադրվող խորհրդատվությունը մեծապես նպաստեցին ուսանողների տեղեկացվածության մակարդակի բարձրացմանն ու նորարարական գաղափարների մտահղացմանը, իսկ բազմաբնույթ և ուսուցողական արշավներն ու այցելությունները մասնագիտական գիտելիքները գործնականում կիրառելու հրաշալի հնարավորություն ընձեռեցին:

Հայկական թիմը, դասախոսներ Աշոտ Խոյեցյանի, Արմեն Գևորգյանի և Մարինե Մաթոսյանի գլխավորությամբ, ներկայացավ պատվով և բարձր մակարդակով՝ կարևորելով նաև խաղաղությունն ու համերաշխությունը գիտակրթական նախաձեռնություններում:



« Ձեր գործունեությունը Դուք նվիրել եք երիտասարդների կրթության և դաստիարակության վեհ գործին: Ձեր այս առաքելության ճանապարհին միշտ որդեգրել եք նորը արարելու և զարգացնելու գաղափարներ: Լինելով մայրենիի նվիրյալ՝ ստեղծել եք ուսումնական գրականություն՝ աշակերտների և ուսանողների կրթությունը լավագույնս կազմակերպելու համար: Հայ մանուկը երկար տարիներ ուսանել է Ձեր հեղինակած դասագրքերով: Ձեր «Ջանգալ» այբբենարանը և մայրենիի դասագրքերն այսօր էլ սփյուռքահայ աշակերտին հորդորում են հայ մտալ, սիրել մայր հայրենիքը, ձևավորում են հայի տեսակին բնորոշ արժեքներ:

Դուք երկար տարիներ ամուր թելերով կապված եք Սփյուռքի գաղթօջախներին: Ձեր աշխատանքային այցելություններն այդ վայրեր նոր շունչ են հաղորդում մեր համերկրացիներին՝ հայրենիքի կարողը փոխանցելու և հայապահպանության վեհ գործում: Մեջբերելով մի հատված մանկավարժական գիտությունների դոկտոր, պրոֆեսոր, մասնագիտական և մարդկային բարձր որակներով իր միջավայրը հարստացնող դասախոս, հրաշալի մայր ու սիրասուն տատիկ Ջուլիետա Գյուլամիրյանի հոբելյանական ուղերձից՝ ընթերցողին ենք ներկայացնում նրա հետ անցկացրած մեր հարցազրույցը:

«Ուսանողներով լեցուն լսարանում ես ինձ պաշտպանված ու ապահով եմ պզում», - ասում է Ջուլիետա Գյուլամիրյանը

-Ինչի՞ց եք վախենում...

-Ընդհանրապես վախկոտ չեմ, կարող եմ ծեռնարկել համարձակ գործողություններ, գնալ համարձակ քայլերի, եթե վստահ եմ, որ արդարացի եմ: Բայց վախենում եմ դավաճանությունից, մտերիմ մարդուց հիասթափվելուց... Նման դեպքերում ինձ կողոպտված եմ զգում

-Ինչի՞ համար եք զղջում:

-Բնականաբար, թույլ տված սխալներիս համար զղջում եմ: Դե առանց սխալների չի լինում, և ես միշտ էլ ունեցել եմ սխալս խոստովանելու, դրա համար ներողություն խնդրելու ուժ:

Իմ կյանքի ամենամեծ սխալը համարում եմ ընդամենը երկու զավակ ունենալը: Տղաս ու աղջիկս պետք է եղբայրներ ու քույրեր ունենային...

-Ո՞ր տարիներն եք համարում Ձեր կյանքի ամենաերջանիկ հատվածը:

-Երբ երեխաներս դարձան իմ, ու բոլորս միասին էինք նշում մեր ընտանիքի ավանդական տոները:

-Ձեր սիրած զբաղմունքը:

-Կարդալը, գրելը, ստեղծագործելը:

-Ձեր աշխատանքային գործունեության ամենալուսավոր կետը...

-Աշխատանքն ուսանողների հետ: Ուսանողներով լեցուն լսարանում ես ինձ չափազանց պաշտպանված ու ապահով եմ զգում: Ընդհանրապես երիտասարդությունը հրաշալի է:

-Ձեր ուժեղ կողմը...

-Աշխատասիրությունը, ես մաքսիմալիստ եմ:

-Ձեր թույլ կողմը...

-Չափից դուրս վստահությունն ու հավատը մարդկանց նկատմամբ:

-Ամենից շատ ինչի՞ց եք բավականություն ստանում:

-Երբ զգում եմ, որ պիտանի եմ: Երբ ինձ որևէ բան են հանձնարարում, ես անսահման ուրախանում եմ, մեծ սիրով եմ օգնության ձեռք մեկնում: Լավ է, երբ կան մարդիկ, ովքեր քեզ օգնում են, հոգում են քո մասին: Շատ ավելի լավ է, երբ դու ես հոգում որևէ մեկի հոգսը, երբ դու ես պետք գալիս մարդկանց:

-Ամենաձանր հոգեվիճակը:

-Պարապությունը:

-Ձեր ամենամեծ ձեռքբերումը:

-Ձավակներս:

-Ո՞ր գիրքը պետք է կարդա յուրաքանչյուր հայ:

-Ա. Ծառուկյանի «Կտակն է նահատակներու»:

-Ի՞նչ է հայրենասիրությունը Ձեզ համար:

-Հայրենասիրությունը ծնվում է թշնամու հանդեպ ծնված ատելությունից...

-Ամենասիրած հայ գրողը:

-Համո Սահյան, Պարույր Սևակ:

-Մանկության ամենաջերմ հիշողությունը:

-Մայրիկիս՝ ամանորյա գաթա թխելու արարողությունը մեր տանը, իր տարեկից հարևանուհիների հետ:

Հրույցեց Ս. ԱՍՐՅԱՆԸ

«Հայաստան՝ խոսող քարերի երկիր»

Մանկավարժական համալսարանի թանգարանի և IZI.Travel միջազգային կազմակերպության համագործակցության հիմքը դրվել է դեռևս 2013 թվականին Բրազիլիայի Ռիո դե Ժանեյրո քաղաքում կայացած ՅՈՒՆԵՍԿՕ-ին կից Թանգարանների միջազգային խորհրդի (ԻԿՕՄ-ի) 23-րդ վեհաժողովի շրջանակներում: Համալսարանի թանգարանը Հայաստանում առաջինը գործարկեց IZI.travel ծառայության աուդիոգիդ անվճար ծրագիրը: Երեք տարի անց այդ համագործակցությունը տվեց իր «պտուղները»: 2016թ.-ի հուլիսի 3-9-ը Իտալիայի Միլան քաղաքում կայանալիք ԻԿՕՄ-ի 24-րդ վեհաժողովին ընդառաջ հայտարարված «Լավագույն աուդիոգիդ» մրցույթում մասնակից 30 երկրների շարքում սահմանված 3 մրցանակային տեղերից զբաղեցնելով 1-ին հորիզոնականը՝ վեհաժողովին մասնակցելու հնարավորություն ստացա: Մրցույթին ներկայացված աուդիոգիդը կրում է «Armenia the land of living stones» (Հայաստան՝ խոսող քարերի երկիր) խորագիրը, որը բացահայտում է Հայաստանի 23 հուշարձանների առեղծվածները, պատմում գեղատեսիլ բնության ու ազգային ավանդույթ-



ների, ճարտարապետական հորինվածքների մասին: Սրանից բացի թանգարանը հեղինակել է ևս 4 աուդիոպատմություն, որոնք հնարավորություն են տալիս ծանոթանալ Երևանի թանգարաններին, մայրաքաղաքի հայտնի և անհայտ հուշարձաններին և Երևանի մետրոպոլիտենի պատմությանը:

Վեհաժողովի ընթացքում հանդես եկա զեկույցով՝ ներկայաց-



նելով համալսարանի թանգարանի և IZI.travel-ի համատեղ աշխատանքի վերաբերյալ հաշվետվությունն ու մրցույթում հաղթած աշխատանքը: Հաղթող երկրների ներկայացուցիչները փորձի փոխանակման նպատակով գիտաժողովի աուդիոպատմության ստեղծման վերաբերյալ դասընթաց-վարժանք իրականացրին մասնակիցների համար:

Վեհաժողովին մասնակցությունն արդյունավետ եղավ հետագա նոր համագործակցությունների, ծրագրերի և հանդիպումների համար: Կատարված աշխատանքը մեծ ոգևորությամբ ընդունվեց, բարձր գնահատվեց վեհաժողովի մասնակիցների ու կազմակերպիչների կողմից՝ որակվելով որպես հսկայական ու հայրենամեծ քայլ՝ սեփական երկիրն ու բուհը ներկայացնելու գործում:

Մարիաննա ՄԱՆՈՒՉԱՐՅԱՆ
ՀՊՄՀ թանգարանի ավագ գիտաշխատող

Անհնար է սովորել առանց բնության

Ավանդույթի համաձայն այս տարի էլ Մանկավարժական համալսարանի ուսանողներն իրենց ուսումնաճանաչողական պրակտիկան անցկացրին Աղավնաձորի ուսումնական բազայում: Կենսաբանության, քիմիայի և աշխարհագրության ֆակուլտետի 2-րդ կուրսի ուսանողների պրակտիկան կրում էր համալիր բնույթ: Ուսանողները պրակտիկայի ղեկավարներ, աշխարհագրության և նրա դասավանդման մեթոդիկայի ամբիոնի դասախոսներ Սիմա Դայանի և Վարդուհի Դոնիկյանի գլխավորությամբ հետազոտություններ են կատարել Մարմարիկի հովտում, Փամբակի և Ծաղկունյաց լեռնաշղթաների լանջերին: Հետազոտություններն իրականացվել են և՛ ֆիզիկական աշխարհագրության ուղղությամբ, որը նպատակ ուներ ծանոթանալ բնությանն ու նրա առաձեռնահատկություններին, և՛ տնտեսական աշխարհագրության ուղղությամբ: «Պրակտիկայի ընթացքում կատարել ենք բազմաթիվ չափումներ, որոշել ենք ջրի ծախսը, արագությունը, ջերմաստիճանը, հողի ջերմաստիճանը, օդի խոնավությունը, տեղադիրքը, բարձրությունը՝ տեղանքի տարբեր վայրերում, և իրականացրել ենք համեմատություններ», - ասաց Սիմա Դայան և հավելեց, որ այս տարվա պրակտիկան էականորեն տարբերվում է մյուսներից, քանզի ուսանողները հնարավորություն ունեն ամբիոնում վերջերս բացված լա-



զործնականում ուսանողի տեսական գիտելիքների ամրապնդմանը: Ուսանողներն ամեն ինչ կարող են սովորել տեսականորեն, սակայն այդ գիտելիքներն առանց պրակտիկայի ոչինչ է,- ամփոփեց Սիմա Դայան:

Կենսաբանության և նրա դասավանդման մեթոդիկայի ամբիոնի ղոցեմտ Մարո Քոչարյանն ու դասախոս Քնարիկ Ուզունյանն էլ ղեկավարում են կենսաբանության բաժնի 28 ուսանողի պրակտիկան: Ապագա կենսաբանները պրակտիկայի ընթացքում կատարում են ողնաշարավոր և անողնաշարավոր կենդանիների հավաքներ, կազմում հավաքածուներ, որոշիչների միջոցով որոշում դրանց տեսակային կազմերը, ինչպես նաև ծանոթանում կենդանիների տեղանքին և կենսակերպին: Ապագա բնաբանները տեսել և իրենց պրակտիկայի օրագրերում գրանցել են, դիտարկել են նաև Կարմիր գրքում գրանցված մի շարք կենդանա-

զոն է՝ պրակտիկան անցնում է հետաքրքիր և գերհագեցած ծրագրով. ամեն օր կատարում են բազմաբնույթ աշխատանքներ, բռնել են մի շարք կենդանիներ, պատրաստել են հավաքածուներ, ունեն նաև հերբարիումներ՝ բույսերի հավաքածուներ, որոնցով մշակումներ են կատարում. «Այսօր ծաղիկների ծաղկափոշիներ ենք դիտարկել, պատրաստել կոլաժներ, նայել ենք, թե բույսի ծաղկափոշին ինչ տեսք ունի: Այս օրերի ընթացքում շատ բան սովորեցինք. այն, ինչ տեսական էր, որոշակիորեն ամրակապեցինք, իսկ բնության գրկում, պրակտիկայի շրջանակներում արված փորձերի արդյունքում առավել հասկանալի դարձավ և ամրապնդվեց»:

Աշխարհագրության բաժնի 2-րդ կուրսի ուսանողուհի Անի Սարգսյանն էլ անկեղծանում է՝ մինչ Աղավնաձորի ուսումնական բազայում հայտնվելը թերահավատ էր. կարծում էր ծանծաղի է լինելու, չէր պատկերաց-

«ՀԱՅԱՍՏԱՆ, ԻՄ ՍԵՐ»

Համալսարանական ընթերցասրահում սեպտեմբերի 14-ին անցկացվեց ՀՀՄՄՂ գրադարանի տնօրեն Տիգրան Պետրոսյանցի «Հայաստան, իմ սեր» գրքի շնորհանդեսը:

Գիրքը արժևորեց Բանասիրական ֆակուլտետի ղեկան, դոցեմտ Աշոտ Գալստյանը, ով նկատեց այնտեղ «ուղենշված հետազոծող՝ Մաշտոցից մինչև 21-րդ դար»: Ըստ Ա. Գալստյանի՝ «ամեն բանաստեղծական տող այստեղ լույս է և ջերմություն»: Բանասիրու միաժամանակ ընդգծեց, որ յուրաքանչյուր համդիպում գործընկերոջ՝ Տ. Պետրոսյանցի հետ «լեցուն է հաստատականությամբ, չընկճվելու վճռականությամբ, վաղվա օրվա հավատով»:

Նախաձեռնության մտահղացումը ՀՀ ԳԱԱ թղթակից անդամ, Բանասիրական ֆակուլտետի ամբիոնի վարիչ, պրոֆեսոր Աելիտա Դուլխանյանին էր, ով նաև հանդես եկավ գիրքը ներկայացնող զեկուցումով:

Ձեկուցողն ընդգծեց, որ «հայրենասիրության թեման առ այսօր ուղեկցում է հայ գրականությանը»՝ մատնանշելով, որ դրա դրսևորումները հեթանոսական երկերից ու գողթան երգերից մինչև ոսկեդար ուղեկցել են հայ ժողովրդի պատմության ողջ ընթացքին»:



Ա. Դուլխանյանն անդրադարձ արեց հայրենասիրական բանաստեղծությանը հայ իրականության մեջ մինչև նորոյա դրսևորումները՝ Տիգրան Պետրոսյանցի ստեղծագործություններն արժևորելով այդ ամենի համապատկերում:

«Հայաստան, իմ սեր» քերթվածը և նույնանուն ժողովածուն տողորված են հայրենիքի ապագայի նկատմամբ ունեցած խոր լավատեսությամբ,- նշեց զեկուցողը՝ բարձրաձայնելով, որ հեղինակի բանաստեղծական աշխարհի խոստովանությունները հայրենասիրության ճշմարիտ դաս են, օգտակար դաս հատկապես նոր բարձրացող սերնդի համար:

Բանասիրական ֆակուլտետի մագիստրատուրայի 1-ին կուրսի ուսանող Էդգար Ապրեսյանը գիրքը համարեց հայրենասիրությամբ առավել ամրապնդվելու առիթ, գիրք, որի «յուրաքանչյուր բառը, նախադասությունը ընթերցողին տանում են հայրենասիրության ճանապարհներով: ...Հեղինակն իրեն համարում է սահմանին կանգնած գինվոր՝ իրեն համարելով սահմանասյուն: Երկխոսության մեջ մտնելով Հայաստանի հետ՝ նա խոստանում է մնալ հայրենիքի սահմաններում...»:

Շնորհանդեսն ամփոփվեց երգի և ասմունքի հիմնալի կատարումներով, որ ներկայացրին դասախոս Գոհար Սկանյանը, Բանասիրական ֆակուլտետի ուսանողներ Անի Ղալաջյանը և Կարինե Հովհաննիսյանը:

Տիգրան Պետրոսյանցին ջերմ խոսքեր հղեց գործընկեր, պրոֆեսոր Միքայել Մանուկյանը, իսկ զեկուցող լեյտենանտ Արսեն Պիղանյանը պարգևատրեց «Տիգրան Սեծ» մեդալով:

Ներկայացրեց մեծ ոգևորությամբ ունկնդրեցին Տ. Պետրոսյանցի և Լ. Հովհաննիսյանի հեղինակած «Ձորավար» երգը:

Սիլվա ԱՍՐՅԱՆ

ԴԱՍ-ԷՔՍԿՈՒՐՍԻԱ ԹԱՆԿԱՎԱՐԱՆՈՒՄ

Թանգարանային այցելությունները մշտական են դարձել դպրոցականների համար: Նոր ուսումնական տարվա մեկնարկի հետ վերսկսվում է աշակերտների հոսքը դեպի բուհական թանգարան, ուր հատկապես վերջիններին հետաքրքրում է խաչատուր Աբովյանի եռաչափ տեսապատկերն ու խոսքը:

Այս անգամ Մանկավարժական համալսարանի թանգարան էին այցելել ՀՀՄՄՂ-ի №57 դպրոցի 4-րդ դասարանի սաները: Բուհի Սկզբնական կրթության ֆակուլտետի նախաձեռնությամբ մանկավարժականի կրտսեր հյուրերը թանգարանի աշխատակիցների ուղեկցությամբ մասնակցեցին «Հայ գրերի ստեղծումը» դաս-էքսկուրսիային, ապա շրջեցին թանգարանում, ծանոթացան բուհին, մեծ հետաքրքրությամբ «դիտեցին և ունկնդրեցին» խաչատուր Աբովյանին:



բորատորիայի նորագույն և ժամանակակից գործիքներով իրականացնել վերոնշյալ հետազոտությունները:

Տնտեսական աշխարհագրության ուղղությամբ իրականացվող հետազոտությունների շրջանակում ուսանողները նաև սոցիալոգումներ են իրականացրել հարակից գյուղերում՝ ամեն օրվա ավարտին իրենց օրագրերում ամփոփելով տվյալ օրվա կատարած հետազոտություններն ու վերլուծությունները:

«Բնությունն աշխարհագրագետի լաբորատորիան է, ամհնար է սովորել առանց բնության: Նման պրակտիկաները շատ կարևոր են և նպաստում են

տեսակներ և բուսատեսակներ: «Շատ կարևոր է, որ բնագետ-կենսաբանը ոչ միայն լաբորատոր պայմաններում իրականացնի իր ուսումնասիրությունը, այլև բնության մեջ սովորի էքսկուրսիաներ կազմակերպել, որտեղից ինչ գտնի և աշակերտին ինչ ցուցադրի: Իսկ ազատ ժամանակ ուսանողները շփվում են միմյանց հետ, քննարկում աշխարհագրության և կենսաբանությունն համագործակցությունը, սա էլ իր հերթին փորձի փոխանակման յուրօրինակ ձև է», - ասում է Մարո Քոչարյանը:

Կենսաբանության մասնագիտության 2-րդ կուրսի ուսանողուհի Շահանե Թաղևադյանը

նում, թե ինչ են անելու: Անին խոստովանում է՝ դաշտային պրակտիկան, այս օրերին կատարած ուսումնասիրությունները, չափումներն ու կամերալ պայմաններում տարված աշխատանքներն օգնեցին հասկանալ, որ ճիշտ մասնագիտություն է ընտրել, իսկ «Մարալիկ գետի հովտի ֆիզիկաաշխարհագրական, տնտեսաաշխարհագրական բնութագրի կատարումը և Աղավնաձոր գյուղում անցկացրած սոցիալական հարցումները գյուղի մասին օգնեցին առավել ամբողջական դարձնել ունեցած գիտելիքները»:

Սոնա ԱՐԱՍՅԱՆ



ՊԼԵՆԵՐԱՅԻՆ առաջին դասը

Մանկավարժական համալսարանի № 57 հիմնական դպրոցի 1-ին բ դասարանի աշակերտները կերպարվեստի պլեներային առաջին դասն անցկացրին «Իմ քաղաքը» խորագրով: Աշակերտներն իրենց նկարներում պատկերեցին Երևանը՝ իր բոլոր գույներով:

Դասվար Տաթևիկ Աբրահամյանը գեղագիտական դաստիարակությունը շատ է կարևորում երեխայի




զարգացման գործում: Նա գտնում է, որ անհրաժեշտ է սկսել դեռ վաղ տարիքից՝ մանկապարտեզից, որովհետև այն երեխաների մեջ արթնացնում և ամրապնդում է սեր դեպի բնությունը: Դասապրոցեսի կազմակերպման ընթացքում միշտ հաշվի են առնվում երեխաների և նրանց ծնողների կարծիքներն ու առաջարկները:

Կերպարվեստի ուսուցչուհի Սյուզաննա Խաչիկյանը նկատում է՝ դեռ փոքր տարիքից պետք է զարգացնել երեխաների գեղագիտական ճաշակն ու ձևավորել բնության հանդեպ սեր: «Նման պլեներային էտյուդների ընթացքում երեխաները ծանոթանում են բնությանը, զգում նրա ամեն մասնիկը, հետո միայն այդ ամենը վերարտադրում են թղթի վրա»:

Աշակերտուհի ժամնա Սարգսյանն ուշադրությամբ ծանոթանում է շրջապատին, այնուհետև սկսում է նկարել: «Իմ քաղաքը» խորագիրը ժամնան շատ է հավանել, քանզի շատ է սիրում Երևանը:

«Նկարում պատկերել են շատրվաններ, ծաղիկներ



և խոտեր: Ես շատ եմ սիրում Երևանը և ցանկանում եմ մշտապես ապրել այստեղ»,- ասում է ժամնան:

Էդմոնդ Զասրաթյանը մինչև դպրոց հաճախելը նկարչության խմբակ է այցելել, իսկ այսօր նկարել է ծիածան և ԶԶ դրոշը: Մեծ ոգևորությամբ նա պատմում է, թե եռագույնի գույներն ինչ են խորհրդանշում, իսկ նկարն էլ ավելի գեղեկացնելու և ուրախ դարձնելու համար գունազարդել է բազմագույն կետերով:

Տիգրան Մինասյանն էլ նկարել է ծառ, արև, երկինք. այդ ամենն իր պատկերացրած Երևանում կա: Երևան քաղաքում հատկապես սիրում է տան պատուհանից դուրս նայել, իսկ անձևից հետո միշտ հիանում է ծիածանով: Տիգրանը սիրում է նկարել և հաճույքով մասնակցում է նկարչության դասերին:

Ձրոսայգում կազմակերպված պլեներային դասապարավունքն ամփոփվեց հեքիաթի ընթերցմամբ, խաղերով և զբոսանքով:

Սոնա ԱՐԱՄՅԱՆ



Շարվող սահմաններ՝ բանավեճի միջոցով

Մանկավարժական համալսարանի Սկզբնական կրթության ֆակուլտետի Բանավեճի ակումբի ղեկավար Լիանա Չոբանյանի և ժո Erasmus ու ,Լրացուցիչ կրթության և բանավեճերի զարգացման կենտրոնի միջազգային համագործակցության արդյունքում՝ ֆակուլտետի 1 ուսանող և 3ՊՄԳ-ի Զեմակետային վարժարանի 4 աշակերտ մասնակցեցին ,Չատվող սահմաններ՝ երիտասարդության փոխազդեցություն բանավեճի միջոցով CROSSING BOUNDARIES: YOUTH ENGAGEMENT THROUGH DEBATE ֆորումին:

Չեմբրիկ ՈՒՄՐՈՅԱՆ

Ծրագրի շրջանակներում մեզ մատուցված ոչ ֆորմալ կրթությունը նորություն էր ինձ համար և այն փոխեց իմ աշխարհայացքը կրթության բնագավառի վերաբերյալ:

Տարբեր մշակույթներ կրող երիտասարդները հատեցին սահմանները՝ բանավեճելու իրենց կարողություններն ի ցույց դնելով: Մինչև Լիտվա մեկնելս ,բանավեճ, ասվածի մասին պատկերացումներս բավականին աղքատ էին. դրանք սահմանափակվում էին դասարաններում մեր անկանոն և որպես կանոն քառսի վերածվող բանավեճերի մասին իմ պատկերացումներով կամ հեռուստատեսությամբ ընդդիմության և իշխանության ներկայացուցիչների շատ հաճախ արտադրվող «բանավեճերով», սակայն ծրագրի շրջանակներում ես ծանոթացա բանավեճի ամենամուրբ տարրերին և հիմա էլ ոչ մի առիթ բաց չեմ թողնում այս բնագավառում կատարելագործվելու համար:

Աշոտ Թովմասյան

Ես այցելեցի մի նոր երկիր, սովորեցի բանավեճել և, իհարկե, ծանոթացա նոր մարդկանց հետ: Մենք այցելել էինք մի չքմաղ երկիր, որտեղ հիանալի համադրված է հիմն ու նորը, բնությունն ու տեխնոլոգիան: Դա Լիտվան է:

Բանավեճելը մարդու կյանքի մի մասն է: Ոմանք բանավեճում են՝ անգամ առանց իմանալու թե ինչ է բանավեճը: Ես կարծում եմ ցանկացած մարդ պետք է կարողանա բանավեճել ոչ միայն այլ մարդկանց, այլև ինքն իր հետ: Բանավեճելը օգնում է շատ խնդիրների համար

ճիշտ ելքեր գտնել:

Այս ֆորումի միջոցով ես նոր հմտություններ բացահայտեցի իմ մեջ...

Անի Ղուկյան

Մրցույթն ինձ տվեց բանավեճելու ունակություն, միտքս ձեռք բերեց ճկունություն, որի շնորհիվ ես հիմա շատ – շատ հարցեր ավելի հեշտ եմ լուծում: Մեկ այլ տեսանկյունից այն ինձ տվեց ծանոթություն ավելի քան 5 երկրների ներկայացուցիչների հետ: Եվ, իհարկե, նրանց հետ շփումն ու նրանց երկրների մշակույթին ծանոթանալը փոխեցին իմ աշխարհայացքը: Ես շնորհակալ եմ մնան հնարավորության և մնան մեծ փորձի համար:

Մարիամ Գասպարյան

Առաջին անգամ էր, որ մասնակցում էի այսպիսի մրցույթի ու հաղթելը մեծ զարմանք ու ուրախություն էր ինձ համար: Ուսումնական ճամփորդություն, որ թողեց հրաշալի հուշեր ու ընկերներ: Առաջին անգամ էի բանավեճում, իսկ մյուս երկրների պատվիրակները հիմնականում փորձառու բանավեճողներ էին, բայց միմյանց օգնելու ցանկությունն այնքան մեծ էր, որ բոլորս գրեթե հավասար էինք:

Մերի Ղարիբյան

Այս ճանապարհորդության շնորհիվ ես հասկացա, որ առավել քան ճիշտ մասնագիտություն եմ ընտրել: Մանկուց երազում էի դառնալ ուսուցիչ, ով երեխաների համար առաջին հերթին ընկեր և ուղղորդող կլինի: Կարծում եմ կարողացա լինել լավ ուսուցիչ և արդարացնել երեխաների սպասումները:

Լիանա Չոբանյան

«Չատվող սահմաններ՝ երիտասարդության փոխազդեցություն բանավեճի միջոցով» ֆորումը համարում եմ հաջողված, կարծում եմ առաջադրված խնդիրները լուծվել են, որոնք էին՝ ոչ ֆորմալ կրթության իրականացում, լեզուների իմացության ամրապնդում, քաղաքացիական հասարակության ստեղծում, արդարամիտ, իր իրավունքներին տեր քաղաքացու ձևավորում, մշակութային և կրթական փոխազդեցություն, բանավեճի նրբությունների տիրապետում:

ՊԼԵՆԵՐԱՅԻՆ ցուցահանդես Լիպվայում

Սեպտեմբերի 5-ից 15-ը Լիպվայում անցկացվեց «Նիդա 2016» միջազգային պլեները, որին մասնակցում էին մի շարք երկրներից հրավիրված նկարիչներ: Պլեների նպատակն էր տարբեր երկրների մշակույթների մերձեցումը:

Պլեների աշխատանքներին հրավիրվել էր մաև մեր համալսարանի Գեղարվեստական կրթության ֆակուլտետի ուսանողական խորհրդի նախագահ, կերպարվեստի և գծագրության բաժնի 4-րդ կուրսի ուսանողուհի Զարուհի Խաչատրյանը: Ի դեպ, միջազգային պլեներին մասնակցող նկարիչների մեջ Զարուհին միակ ուսանողն էր, ով Զայաստամին նվիրված պլեներային աշխատանքային օրվա ընթացքում ներկայացրեց Մանկավարժական համալսարանում ապագա նկարիչների հետ տարվող միջոցառումների, նրանց աշխատանքների ցուցահանդեսների և Զայաստամի պատմամշակութային վայրերի մասին պատմող հոլովակ:



Զարուհին Լիպվայում մասնակցեց պլեներային երկու ցուցահանդեսի, որը նոր շրջադարձ եղավ ապագա նկարչուհու մասնագիտական կայացման համար:

Ուսանողական ամառ

ԵՌԱԳՈՒՅՆԸ՝ ՄԵԿ ՏԱՆԻՔԻ ՆԵՐՔՈ

Եթե մի փոքր անկեղծանամ, ապա կասեմ, որ «Բազե»-ին մասնակցելը մի փոքրիկ երազանք էր մինչ այն պահը, երբ ինձ զանգահարեցին և հրավիրեցին «Երևան 1» ջոկատ: Փոքր-ինչ տխրեցի, որ իմ մարզի կամ բուհի ջոկատից չեմ լինելու, բայց հետո հասկացա, որ կապ չունի, թե որ ջոկատից կամ որ ճակատից ես, կարևորն այն է, որ աշխարհի տարբեր անկյուններից հավաքվել էինք մի գաղափարի շուրջ ու կազմել եռագույն. բոլորս էլ ՀԱՅ եմք:

Ես «Բազե 2016» համահայկական հավաքին մասնակցել եմ որպես «նկարիչ-դիզայներ», եղել եմ «Երևան 1» ջոկատի անդամ կապույտ ճակատում: Ներճակատային նկարչության մրցույթում զբաղեցրել եմ 3-րդ հորիզոնականը, անցնելով եզրափակիչ փուլ, արդեն միջճակատային մրցույթում նկարս գնահատվեց բարձր միավորներով, և մենք հաղթեցինք: «Բազե նկարիչ» անվանակարգում հաղթեց կապույտ ճակատը:

Միաժամանակ ջոկատի կազմում մասնակցել եմ «բրեյն ռինգ» ինտելեկտուալ մրցույթին, որտեղ զբաղեցրել եմ 2-րդ հորիզոնականը: Ընթացքում նաև հետևում էի նորածնության ընթացիկ աշխատանքներին: Հավելել եմ, որ մեր «Երևան 1» ջոկատը ճանաչվեց լավագույն ջոկատ:

Օրերը «Բազե»-ում անցնում էին հագեցած, մի պահ նույնիսկ ինձ զգում էի բանակում՝ առավոտյան՝ շարային, «Բազե»-ի հիմն, ճաշարան, մեկը մյուսին հաջորդող մրցույթներ և այսպես շարունակ մեկ շաբաթ:

Բոլորս եռագույն կազմած ապրում էինք նույն տանիքի տակ. արթնանում, խոսում, երգում, պարում, նկարում և մրցում էինք հայերեն:



Յոթ օրերի ընթացքում նաև հանդիպումներ ունեցանք Հայաստանի նախագահի և նախարարների հետ:

Կարծում եմ մեծան հավաքները մեր երկրում պետք է շատ կազմակերպել, որովհետև հրաշալի առիթ է մրցել միմյանց հետ և բացահայտել նորանոր տաղանդներ:

Դեռ երկար կհիշեմ իմ կյանքի այն յոթ օրերը, որոնք ապրել եմ «Բազե»-ի գրկում: «Բազե»-ի ամեն մի իմաստալից օր խորը հետք է թողել իմ հիշողության մեջ, և ես վստահ կարող եմ ասել, որ նոր գիտելիքներից, պատվոգրերից ու մեդալներից առավել իմ ամենամեծ ձեռքբերումն այսօրվա իմ Բազեական ընկերներն են:

Բազեն ինձ նոր թևեր տվեց՝ ճախրելու դեպի անկախ ապագա.....

Յերիքնազ ԽԱՉԻԿՅԱՆ
ՀՊՄՀ ուսանող

«Քառորդ դար. անկախության ճանապարհին»

Հայաստանի Հանրապետության Անկախության 25-ամյակի առթիվ Մանկավարժական համալսարանի Կուլտուրայի ֆակուլտետի ճեմարանում ներկայացվեց լուսանկարների ցուցահանդես՝ «Քառորդ դար. անկախության ճանապարհին» թեմայով: 2-4-րդ կուրսերի ուսանողները 100-ից ավելի նկարներում ներկայացրել էին իրենց պատկերացրած ու տեսած անկախությունը:


Օպերատորության, գեղարվեստական լուսանկարչության և սոցիալ-մշակութային գործունեության ամբիոնի վարիչ Ռուբեն Երզնկյանն այս ցուցահանդեսը մյուսներից առանձնացնում է, քանզի այստեղ միմյայն անկախությանը նվիրված լուսանկարներ են ներկայացված:

«Ցուցահանդեսը Անկախության 25-ամյակի առթիվ



միջոցառումների ամփոփումն է. մինչ այդ ֆակուլտետում ցուցադրվել է Գառնիկ Կարապետյանի «Իմ Հայաստան» ֆիլմը, այնուհետև Սարգսյանի անցկացվել է արտագնա դաս: Ընդհանուր առմամբ լուսանկարները լավ են, հետաքրքիր մոտեցումներ կան», - ասաց Երզնկյանը: Նա ընդգծեց նաև, որ ցուցահանդեսից ցուցահանդես ուսանողների մոտ նկատելի է մասնագիտական փորձառության աճ, իսկ ցուցահանդեսի փակումից հետո այն կանփոփվի, և լավագույնները կստանան խրախուսական մվերներ: Ցուցահանդեսը բաց կլինի մինչև հոկտեմբերի 7-ը:


ՆՈՐ ԳՐՔԵՐ



«ԱՐԴԻՎԱՆԱՑՄԱՆ ՏԵՍՈՒԹՅԱՆ ՈՒ ՊՐԱԿՏԻԿԱՅԻ ՀԻՄՆԱՆՆԴԻՐՆԵՐ»

Գրքում համակողմանի քննության են առնվում արդիականացման (մոդեռնիզացիա) տեսության և պրակտիկային վերաբերող հիմնախնդիրները արդի քաղաքագիտական խոսույթում: Առանձնակի ուշադրության են արժանանում արդիականացման դրսևորումները տարբեր քաղաքական վարչակարգերում տեղի ունեցող ձևափոխումների տեսանկյունից, որոնք ունեն քաղաքակրթական տարբեր համատեքստ: Որպես հետազոտության արդյունք՝ առաջարկվում է արդիականացման այլընտրանքներ Հայաստանի Հանրապետության համար:

Գիրքը կարող է օգտակար լինել արդիականացման տեսական և գործնական հիմնախնդիրներով հետաքրքրվողների, ուսանողների, ինչպես նաև մասնագետների լայն շրջանակի համար և կարող է ծառայել ՀՀ արդիականացմանը:




«20-21-րդ դարերի նորարար մանկավարժները»

Տ. Ա Մատնով, Յա. Ա. Մաքսիմով և ուրիշներ
Ռուսաստանի Դաշնության Կրասնոյարսկի գիտահետազոտական կենտրոնը վերջերս լույս է ընծայել «20-21-րդ դարերի նորարար մանկավարժները» հանրագիտարանը: Նրանում տեղ են գտել ռուսաստանյան և արտերկրների 136 նորարար մանկավարժների կենսագրական հոդվածներ, որոնք մեծ ավանդ ունեն նորագույն կրթության և մանկավարժության զարգացման գործում:

Հանրագիտարանը հրատարակության է պատրաստվել 2016 թվականին, հեղինակային կոլեկտիվի և Գիտական նորարարական կենտրոնի ուսումնասիրությունների հիման վրա:

Հաճելի է տեղեկանալ, որ հանրագիտարանում զետեղվել է նաև նորարարական կրթության ու մանկավարժության ոլորտում ՀՊՄՀ մանկավարժության տեսության և պատմության ամբիոնի դոցենտ Սվետլանա Միքայելի Մինասյանի գործունեությունը ներկայացնող էջ:

ՀՊՄՀ մանկավարժության տեսության և պատմության ամբիոնի դոցենտ, մանկավարժական գիտությունների թեկնածու Սվետլանա Մինասյանը Ռուսաստանի բնական գիտությունների ակադեմիայի պրոֆեսոր է, ՌԴ մի շարք հեղինակավոր ակադեմիաների և ասոցիացիաների անդամ: Հանրագիտարանում ներկայացվել է Ս. Մինասյանի շուրջ 100 գիտական հոդվածների, ուսումնական, ուսումնամեթոդական դասագրքերի և ձեռնարկների, աշխարհի տարբեր երկրներում իրականացրած հեղինակային կրթական նախագծերի, ինչպես նաև պարզևների մասին տեղեկություններ:



Տիգրան Թանգամյան. «Կենսաբանություն»

Հրատարակվել է Խ. Աբովյանի անվան ՀՊՄՀ կենսաբանության և նրա դասավանդման մեթոդիկայի ամբիոնի պրոֆեսոր, մանկավարժական գիտությունների դոկտոր Տ.Գ.Թանգամյանի կողմից կազմած «Կենսաբանություն» (ուսուցիչների, աշակերտների և բուհ ընդունվողների համար) ուսումնական ձեռնարկը:

Ձեռնարկն իր ձևի մեջ առանձնահատուկ է, կազմված է բացատրական բառարան, կենսաբանների և բնագետների տողանի, մշամավոր տարբերակ և մեթոդական ցուցումներ բաժիններից: Այն իր մեջ ներառում է ավելի քան 1800 կենսաբանական հասկացությունների և եզրերի մատչելի բացատրություններ, որոնց մեծ մասը զուգորդվում է համապատասխան մեթոդական ցուցումներով՝ աղյուսակներով, գծապատկերներով և նկարներով:

Ուշագրավ է մեծ կենսաբանների և բնագետների կենսագրությունների բաժինը, ինչն ունի ուսուցողական և դաստիարակչական մեծ նշանակություն:

Տ. Թանգամյանի կողմից կազմած ձեռնարկի անհրաժեշտությունը վաղուց էր զգացվում:

Ձեռնարկն օգտակար կարող է լինել նաև բակալավրիատի ուսանողների և մագիստրոսների համար՝ բարձր որակավորում ստանալու և ավարտական քննություններին նախապատրաստվելու իմաստով: Ձեռնարկը խրախուսելի է նաև սովորողների ինքնուրույն աշխատանքը խթանելու համար:

<p>Գլխավոր խմբագիր՝ Սիլվա ԱՄՐՅԱՆ Էջադրումը՝ Պետրոս ՎԱՐԴԱՆՅԱՆԻ Համարի պատասխանատու՝ Սիլվա ԱՄՐՅԱՆ</p>	<p>Գրանցման վկայական՝ 01Մ00184 տրված է 26.03.2008 թ. Հասցեն՝ Տիգրան Մեծի 17, հեռ. 59-70-97: Էլ. փոստ՝ asrysansilva@gmail.com Տպագրված է «Տիգրան Մեծ» հրատարակչության տպագրատանը: Հասցեն՝ Արշակունյաց 2 Տպաքանակը՝ 1800 օրինակ: Ծավալը՝ 2 տպ. մասով</p>	<p>Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը չի վաճառվում: Հանձնված է տպագրության 29.09. 2016 թ.</p>
---	--	---